

## Beth yw CONTEST?

CONTEST yw Strategaeth Gwrthderfysgaeth gyfredol Llywodraeth y Deyrnas Unedig. Nod CONTEST yw lleihau'r risg i'r Deyrnas Unedig oddi wrth derfysgaeth, fel bod pobl yn medru byw eu bywydau yn rhydd a gyda hyder.

Cyhoeddwyd fersiwn newydd o CONTEST ym mis Gorffennaf 2011 - mae'n ymdrin â phob math o derfysgaeth, ac yn parhau i fod yn seiliedig ar bedair ffrwd:

1. **Erlid** - Bwriad Erlid yw atal ymosodiadau terfysgol trwy ddarganfod, erlyn ac amharu ar y rhai sy'n cynllwynio i ymosod yn erbyn y DU neu ein buddiannau dramor.
2. **Atal** - atal pobl rhag mynd yn derfysgwyr neu gefnogi terfysgaeth. Mae hyn yn cynnwys gwrthwynebu ideoleg terfysgwyr a herio'r rhai sy'n ei hyrwyddo; cefnogi unigolion sy'n arbennig o fregus o gael eu radicaleiddio.
3. **Amddiffyn** - cryfhau amddiffyniad rhag ymosodiad terfysgol yn y DU neu yn erbyn ein buddiannau dramor a thrwy hynny leihau'r graddau yr ydym yn agored i niwed. Mae'r gwaith yn canolbwyntio ar ddiogelwch ffiniau, y system drafnidiaeth, isadeiledd cenedlaethol a manau cyhoeddus.
4. **Paratoi** - lliniaru effaith ymosodiad terfysgol pan na ellir stopio'r ymosodiad hwnnw. Mae hyn yn cynnwys gwaith i ddod ag ymosodiad terfysgol i ben a chynyddu gwytnwch y DU fel ein bod yn gallu dod dros ei ganlyniad.

Yng Nghymru, mae gennym Fwrdd CONTEST ac Eithafiaeth Cymru-gyfan, a **Bwrdd CONTEST rhanbarthol Gogledd Cymru**. Mae ein cyfarwyddwr corfforaethol, Morwena Edwards, yn aelod o Fwrdd CONTEST rhanbarthol Gogledd Cymru, sy'n darparu arweiniad strategol ar gyfer gweithredu strategaeth CONTEST. Mae Bwrdd Gogledd Cymru yn cyfrannu ac yn ymateb i Fwrdd CONTEST Cymru, sydd yn ei dro yn cysylltu â strategaeth y Deyrnas Unedig.

## Beth mae hyn yn ei olygu i Awdurdodau Lleol?

CONTEST	Rhwymedigaethau
Erlid	Mae'r agwedd hon o CONTEST yn berthnasol i'r gwasanaethau Diogelwch a Gorfodaeth. Mae'n ymwneud â rheoli Gwybodaeth ac erlid bygythiadau a risgiau sy'n hysbys (unigolion a grwpiau wedi'u trefnu).
Atal	<p>Yn 2015, trwy'r Ddeddf Gwrthderfysgaeth a Diogelwch newydd, rhoddwyd dyletswydd ar awdurdodau lleol, wrth weithredu eu swyddogaethau, i roi sylw teg i'r angen i rwystro pobl rhag cael eu denu i derfysgaeth.</p> <p>Dyma'r ffrwd yn strategaeth CONTEST sydd wedi cael yr effaith fwyaf ar Awdurdodau Lleol a Phartneriaethau Diogelwch Cymunedol.</p> <p>Prif agweddau'r gofynion hyn yw -</p> <ul style="list-style-type: none"><li>• Y gofyniad i swyddogion o'r ALL gadeirio paneli Channel - lle trafodir unigolion sydd wedi'u hadnabod o fod mewn perygl o gael eu radicaleiddio, a chytuno ar gynllun gweithredu. Mae hyn eisoes yn weithredol.</li><li>• Rhaid cynnal sesiynau hyfforddiant/codi ymwybyddiaeth priodol ar gyfer staff ALL. Mae hyn ar waith.</li></ul> <p>Panel diogelu corfforaethol yr ALL sydd yn gyfrifol am oruchwylio'r agwedd codi ymwybyddiaeth.</p>
Amddiffyn	Bydd rhai agweddau o'r gofyniad hwn yn effeithio ar ALL; o ran yr angen i

	<p>gydweithio mewn perthynas â gofod cyhoeddus sy'n agored i fgythiad, rheoli digwyddiadau a bygythiadau i isadeiledd ac ati.</p> <p>Mae Cyngorwyr Diogelwch Gwrthderfysgaeth Heddlu Gogledd Cymru ar gael (gellir cysylltu â hwy drwy Wasanaeth Cynllunio Argyfwng Rhanbarthol Cyngorau Gogledd Cymru) i gynorthwyo i asesu manau lle ceir tyrfaedd o bobl, ac unrhyw fesurau adfer dilynol.</p>
Paratoi	<p>Hyd yma, mae'r Bwrdd CONTEST wedi canolbwyntio ar y ffrwd 'ATAL', ac ar hyn o bryd dylid defnyddio'r trefniadau ymateb i argyfwng cyffredinol ar gyfer ymateb i sefyllfa derfysgol. Er enghraifft, gall cynlluniau rheoli Canolfannau Gorffwys fod yn hyblyg er mwyn defnyddio'r cyfleusterau fel canolfannau derbyn goroeswyr. Yn ogystal, yr Awdurdod Lleol ddylai arwain y trefniadau cyffredinol ar gyfer adfer a lles yn dilyn argyfwng derfysgol. Mae Cynllun Adfer cyffredinol Cyngor Gwynedd yn cael ei ddiweddarau ar hyn o bryd, a bydd yn cynnwys templed Effaith Cymunedol er mwyn asesu effaith digwyddiad ar y gymuned, i fesur y niwed a'r aflonyddu ar asedau, ac effaith hyn ar bobl a busnesau.</p>

Mae rhagor o wybodaeth am Strategaeth CONTEST ar gael yn:-

<https://www.gov.uk/government/publications/counter-terrorism-strategy-contest>